

Цөмөгө

12+

Томуловы журнал
2025 вося лөддэ-номъя
квайтөд (65№)

МӨЖӨГ

Самокатӧн ветлігӧн

кутчысь колана ӧдӧ
да видзӧд, мед некуйтчӧ
эн зурась. Сувт ньӧжйӧ
да ӧкуратнӧя.



Бӧрйы веськыд да паськыд туй,

ветлы шылъыдінъясті
да югыдінъясті.



Эн вӧдитчы мунігад гаджетӧн,

киад мукӧдтор
мед эз вӧв.



Пасьтав доймӧмысь видзан

да югъялан пасъяса
кӧлуй.



Снимокыс
Павел Лю-Лян-Минлӧн

«Йӧлӧга» («Эхо») 12+

Шӧр редактор пыдди
ЕКАТЕРИНА АЛЕКСАНДРОВНА МИКУШЕВА

Дизайн да вёрстка
НАТАЛЬЯ ИСАКОВА

Редакциялӧн адрес:
167982, Коми Республика, Сыктывкар,
К.Маркс улица, 229-ӧд керка
Тел. 24-12-22, 24-36-49
E-mail: yologa@mail.ru

Журнал йӧзӧдысь:

«Коми йӧзӧдчан керка» Коми Республикаса
автономной учреждение

Веськӧдлысь Г.В.Макарова

Адрес: 167982, Коми Республика, Сыктывкар,
К.Маркс улица, 229-ӧд керка

Журнал паньысь: Коми Республикаса
юралысьлӧн администрация

Регистрируйтис 2018 вося июнь 13 лунӧ
Роскомнадзорлӧн Коми Республикаын веськӧдланін
Регистрируйтан пас:
ПИ № ТУ11-00390 (2018 вося июнь 13 лун)

Социальной тӧдчанлуна гижӧдъясьсӧ йӧзӧдӧма
«Коми йӧзӧдчан керка» Коми Республикаса
автономной учреждениелы Коми Республикаса
юралысьлӧн администрацияӧн вичмӧдӧм съӧм вылӧ

Авторъяслӧн мӧвпъяс оз пыр лӧсявны
редакциялӧн видзӧдласкӧд

6№ (65)

Тираж – 470

Гижӧдчан индекс – П4365

«Йӧлӧга» журнал петӧ 2020-ӧд восянь
тӧлысьнас ӧтчӧд, комиӧн
Доныс сёрнитчӧмӧн

Печатьӧ кырымалан кад:


график серти – 23.06.2025, 16.00

кырымалӧма печатьӧ – 23.06.2025, 16.00

Журнал петас: 26.06.2025

Журнал печатайтӧма «Коми
республиканской типография» ООО-ын
дась оригинал-макетъясысь
Типографиялӧн адрес:
167610, Коми Республика, Сыктывкар,
В.Савин улица, 81

Заказ № 25-3748



Сё майбырөй, гожомой!

Сё майбырөй, гожомой! Дыр виччысына, радейтана, чөскыд көра, уна рөма, лөддза-номъя, мича дзоридза, көка войяса... «Йөлөгальсы» тайө петассө сиим, дерт жө, муса гожомлы.

Видзөддөй, кутшөм мича снимокъяса лист бокъяс та пөрийө нимкодбөдөны тэнө! Фотограф Павел Лю-Лян-Мин коймөд төлысь нин ёртасыө миянкөд да зильө ыставны ассыс медбур уджъяссө.

Гожөм — медбур кад петавлыны «фотоохота» вылө. Коді радейтө фотографируйтны, буретш воас миянкөд өти кывйө. И збыль өд, шондө югөръяс — тайө медбур софит. Вөрын, ю дорын, грездын либө кар шөрын, паркын либө керка йөрын, көн көть он котырт ассыд фотосессиятө — сийө артмас зэв бура. А кызди артмөдны бур снимок да корсьны медбур ракурс, велөдас Алёна Терентьева.

Июнься петасын лыддысьсысьсөс окота төдмөдны Санкт-Петербургынын нудөдөм «Круг шөрын» уджтасөн, кодө шызьбөдөс став комиссө да коми культура-традиция радейтысьсө. Комиын чужөм да уна во нин Петыркарын олысь Валентина Лебедева пөртис олөмас ассыс ыджыд көсиймсө — дасьтис-лэдзис важся коми сыланкывъяса фолк-альбом.

С.Маршак нима Коми Республика вужвойтыр челядь библиотекаын зильысь Любовь Плехова висьгалас, кутшөм ыджыд гаж вылө позьбө ветлыны гожөмын миян регионын.

Гожөмын, торйөн нин жар поводдя дырйи, быдөнлы окота лэчывны вадорө, уялыштны либө мыссьыштны ыркыд ванас. Но кут төд вылад, мый ва вылад овлө уна неминуча, он кө кужөмөн асьтө кут. Видзчысь ва вылын!

«Йөлөгалөн» бур ёрт, пусьыны-пөжасыны велөдысь да фудблогер Юлия Панюкова юксяс тэкөд фруктысь салат рецептөн. Сийөс вөчны кокныд да зэв өдйө, а көрыс — шензьбөдана чөскыд!

Нимкодясь выль журналөн, азыма лыддысь, радды гожөмлы, шойчы, кый медся шуда здукъяс да радейт! ❄️

Став бурсө сиөмөн, Коми йөзөдчан керкаөн веськөдлысь

Галина Макарова



ИЮНЬ ТӨЛЫСЬӨ:

Челядькөд уджавны дасьёсь

Май пом—июнь төлысьяс озырөсь быдсяма выпускнойнас. Со и гожа медводдза вежонө челядькөд лагерьясын уджавны лэдзисны «вельон пöжалом» вожатöйясöс.

«Школа вожатского мастерства» уджалис тавося мартсянь май помöдз да быдтис-сöвмөдис челядькөд уджавны окотитысьясöс. Водзмöстчысь котыртысьяс таын П.Сорокин нима Сыктывкарса канму университет да непрерывное образование институт.

Вузьясын да ссузьясын велöдчысьяслы, кодьяс кöсйöны лоны вожатöйясöн, вöлины онлайн да офлайн занятияяс. Тавося школаын шöр теманас вöлины мифьяс, а котыртысьяс — енъясöн, кураторьяс — атлетьясöн, велöдчысьяс — творечьясöн, куратор котырьяс — полисьясöн, арт-котыр — творчество музаöн, медиакотыр — соцсетьясын музаясöн да творечьясöн.

Специалистьяс юкисны студентьяскöд психологиясь да педагогикась төдöмлунöн, игротехникаын, воспитайтöмын да мукöд гусяторйöн. Велöдчысьяслы колис кывзыны 144 час уна сикас лекция, сэсся прöйдитны инструктор лагерын стажировка да аттестация. И сöмын сы бöрын велöдчысьяс сетисны «Вожатöй» специальностьта эскöданпас ❖

Дасьтöма П.Сорокин нима СГУ сайт серти



Сыктывкарсаöс гажөдисны оркестрьяс

Сыктывкар дона юркарнымлы таво тырис 245 во. Июнь 12 лунö карса тшупöда паслы да Айму вöсна Ыджыд тышын Вермöмсянь 80 во тырöмлы сиисны духöвöй оркестрьясьяс «Дух Севера» регионкостса IV фестиваль. Котыртлисны сийöс «Духовое общество» котыр да Коми Республикаса искусство колледж.

Фестиваль дырйи öти сцена вылын чукöртчылисны Сыктывкарысь, Зеленечысь, Йошкар-Олаысь, Архангельскысь, Воркутаысь, Печораысь ансамбляс да духöвöй оркестрьяс. Найö вöзйисны видзöдысьяслы войнакöд йитчöм да мукöд кинофильмысь шыладьяс, джаз композицияяс, а сідзжö öнйя хитьяс да важ кадся вальсяс, фокстрот да танго. А медбöрын сцена вылö петалис став котырыс, да öтувтöм ыджыд оркестрыс ворсис «День Победы».

Духöвöй оркестрьяслöн медводдза фестивальыс вöлöма Сыктывкарын 2017 воын. Сэки петкöдчöмаöсь Коми Республикаса кар-районьясысь творчествоа котырьяс да юркарса искусство колледж помалысьяс.

Тавося фестиваль дырйи вöли ворсан инструментьяс презентация, Россияса духöвöй котырьясöн веськöдлысьяслы «гöгрöс пызан» да уна сикас мастер-класс ❖

Дасьтöма искусство колледжысь юöр серти

Снимокьясыс Кирилл Шучалинöн



Медводдза уличаяслӧн гусятор

Сыктывкарса «Коми войтыр» асланыс удж-могын урчитлӧмаӧсь нин коми экскурсияс нуӧдӧм. И со сюрӧма таын водзмӧстчысь — котырын зильысь Ольга Рогожникова.

— Сыктывкарса чужан лун кежлӧ козналі комиӧн экскурсия, — висьталіс Ольга. — Аслым важӧн нин окота вӧлі тӧдмавны юркараса историясӧ да медводдза уличаяс нимъяссӧ. Лыдди кутшӧм сюрӧ небӧг, пасъялі аслым медколана да чуймӧдана юӧръяссӧ, мыйсюрӧ корси ӧтуввезйысь. Ыджыд атгӧ историяын содтӧдьясӧн юксӧммысь В.А.Лимеровалы да Д.Г.Холоповалы. Дыр бӧрйи экскурсия нуӧдан маршрутсӧ, медым унджык висьтавны-петкӧдлыны часӧн-джынйӧн пода туйкостас. Тадзи артмис неыджыд

экскурсия — «Сыктывкарса медводдза уличаяс».

Экскурсия дырйи сувтлам Сыктывкарса карта дорӧ, тӧдмасым кыйсян-вӧралан календарӧн, купеч сундукӧн, «Ӧ» шыпасӧн, медся векныдык Тшака перулокӧн. А нӧшта поэзо кывзыны-лыддыны медводдза коми поэт Иван Куратовлысь кывбуръяссӧ. Туйыс мунӧ Первомай, Коммунистическӧй, Ленин, Куратов, Киров, Интернациональнӧй, Сӧветскӧй, Орджоникидзе да Бабушкин уличаяс кузя. Талун кежлӧ Ольга Рогожникова нуӧдма нин Сыктывкарса важ уличаяс кузя кум котыр. Лоасны кӧ пӧ окотитысьяс, мед шыӧдчасны ме дорӧ ❖

Надежда Пунегова
Снимокъясыс ӧтуввезйысь



«Вынаяслён история»

Коми Республикаса госслужба да веськөдлан академия пöртис олөмö «Вынаяслён история» спортивной медиамарафон» уджтас. Кольöмво-ся сентябрын тайö ыджыд проектсö збыльмөдөм вылө «Мортлысь сям сөвмөдан академия» АНО шедöдiс Коми Республикаса юралысьлысь грант

Öкмыс төлысьөн уджтасö пырöдчис матö сё морт. Юркарысь да Эжваысь 8-11 классын велöдчысьяс «Медиа-Спорт» программа серти босьтiсны төдöмлунъяс 4 сессия дырйи. Медиаюкөннын томулов босьтiсны ыджыд опыт: видлiсны сямсö корреспондент, оператор, видеограф, режиссёр уджын. Ныв-зон төдмасисны вермытöм спортсменъяскöд, босьтiсны интервью, снимайтiсны видео да дас-тiсны спорт нимöдан контент.

— Буретш тайö и лои проектлөн медшөрмогыс — паськыда висътавны Коми Республикаын сөвман адаптивной спорт сикасьяс йылысь, — төдчöдiс уджтас нуö-

дысь да наставник Анна Лушкова. — Миян ставыс артмис! Сы мында аслыспөлс да, төдчöда, вына йöзкөд мойвиис төдмасыны ныв-зонлы! Тайö и торъя военной операцияса инвалид-геройяс, и вермытöм спортсменъяс, кодъяс зiля пырöдчöны адаптивной спорт сикасö. Быдмысь войтырлы найö — ыджыд пример!

Тайö социальной төдчанлуна збыльысь ыджыд да колана уджтас. Öд ныв-зон öнiсянь нин вермасыны мөвпыштлыны профессия бöрийöм йылысь. И нель сессия дырйи тыдовтчис, мый татчö веськалiсны зэв төлка да водзмөстчысь, быдтор



тӧдны кӧсйысь да креативнӧй велӧдчысьяс. Уси шуд аслым накӧд тӧдмасьны да юксыны опытон уджтассӧ олӧмӧ пӧртігӧн. Кутам лача, унаӧн на пӧвстысь коркӧ лоасны нималана журналистъясӧн. Наставникъяскӧд ӧтув велӧдчысьяс дасьтисны вель уна статья да видеофильм. Академияса залын проектсӧ кыпыда сигӧртгӧн вӧлі позянлун видзӧдны найӧс. А сэсся нин уджъяссӧ йӧзӧдісны социальнӧй сетын да сайтъясын, ысталісны тшӧтш и республикаса школаясӧ. И медшӧрыс – проектӧ пырӧдчысьяс став вӧчӧм-чукӧртӧм уджсьяс дасьтисны-йӧзӧдісны «История сильных» небӧг, кодӧс тшӧтш разӧдасны велӧдчанінъясӧ. «Вынаяслӧн история» спортивнӧй медиамарафон» уджтассӧ олӧмӧ пӧртны отсалісны регионса экономика сӧвмӧдан, промышленносът да транспорт министерство. Партнӧръясӧн лоины республикаса физкультура да спорт, йӧзӧс велӧдан да наука министерствояс, адаптивнӧй спорт сикасьясын сборнӧй командаяс дасьтан да адаптивнӧй физкультура сӧвмӧдан шӧрин, Комиын «Айму дорйысьяс» фонд, юӧр сетан тэчасын уджалысьяс (тшӧтш и Коми йӧзӧдчан керка) да том йӧзлӧн политика комитет. Татшӧм колана да тӧдчана уджтас олӧмӧ пӧртысьяслы муӧдз копыр бергӧдӧм уджысь! Виччысям «Вынаяслӧн история-2» вель проект ❖

Галина Макарова
Снимокъясыс Коми Республикаса госслужба да
веськӧдлан академиясь пресс-службалӧн



Гожӧм – экспедиция кад

Кодкӧ гожӧмсӧ виччысьӧ, медым съӧлӧмсянь шойччыны, а эмӧсь йӧз, кодъяслы гожӧмыс – медся пӧсь кад. На пӧвстын – археологыяс. Торйӧн нин миян войвывса дженьыд гожӧмын верман котыртны кодйысян уджъяс.

Коми наука шӧринысь том археолог Николай Конюхов тайӧс бура тӧдӧ. Быд гожӧм сійӧ мӧдӧдчӧ экспедицияӧ, парма-вӧр шӧрын корсьӧ важ олӧм йылысь пыдӧ му пытшкӧ дзедӧм гусяторъяс





Кузь туй, палаткасын олӧм-вылӧм, быд-сикас поводдя дырйи ывлавылын уджалӧм, а нӧшта ловтӧ кыпӧдана аддзӧмторъяс — уна нэмся эмбур либӧ важ йӧз оланӧн колясъяс. Николай висъталӧс, кыдзи Комиын котыртӧны экспедицияяс, кутшӧм съӧкыдунъяс виччысьӧны туялысьясӧс, да кутшӧм гусяторъяс дзебӧ миян Коми муным пыдӧяс.

— Николай, чолӧм! Гожӧмбыд археологъяс ветлӧдлӧны экспедициясӧ. Кутшӧм ловруӧн петан туйӧ: окота муннытӧ либӧ быть тайӧс вӧчны?


— Ме пыр виччыся экспедицияяс, найӧ босьтӧны ыджыд юкӧн менам уджын. Весиг неыджыд экспедиция кыпӧдӧ ловтӧ. Туйӧ пыр пета окотапырысь. Быд выль экспедиция — тайӧ кутшӧмкӧ выльтор: выль съӧлӧмкылӧмъяс, выль аддзӧмторъяс. Важ олӧм йылысь память — тайӧ талунъя да аския лун костын йитӧд. Чужан вужъясьянь кольӧмторйыс сетӧ миянлы вын да велӧдӧ. Экспедицияӧ ми ветлам ог сӧмын гожӧмнас, но и арнас тшӧтш.

— Унаӧн археология йылысь тӧдӧны фильмъяс серти, кӧнӧ геройяс корсьӧны му пытшкӧ дзебӧм зарни тыра сундукъяс либӧ туялӧны фараон дзебанӧнъяс... Тайӧ приключениясӧ ми аддам Лара Крофт либӧ Индиана Джонс йылысь киноын. Сэни петкӧдлӧма збыль археология?

— Ме ог нин помнит тайӧ фильмъясысь сюжетсӧ, но верма шуны, мый Европаса Асыв-Войвылын археологъяс некутшӧм важ храмъясын оз уджавны да и лӧк йӧзкӧд оз тышкасьны. Археологическӧй экспедиция — тайӧ медводз научнӧй удж. Кодлыкӧ сийӧ кажитчас гажтӧмӧн, а кодлыкӧ зэв интереснӧйӧн.

— Кыдзи тэ веськалӧн археологияӧ? Мыйла бӧрйин тайӧ уджсӧ да мыйӧн кажитчӧ?

— Археологияӧ менӧ туйдӧдӧс П.Сорокин нима Сыктывкарса университетын велӧдысь Виктор Анатольевич Семёнов. Сысянь ме и «висьми» тайӧ науканас. Студенталӧгӧн на заводитӧ ветлыны экспедициясӧ Коми наука шӧринын уджалысьяскӧд тшӧтш, сэки нин



археология «висьёмыс» менё дзикöдз босьтис. Тайö уджас меным унатор кажитчö. Медводз аддзöмторгыяссö туялöмыс. Кор лыддян уна пöлöс литература да корсян сэтшöм жö артефактыяс, кушöмгыяссö ачыд кодьин, да мый йылысь гижисны нин водзджык.

– Кымын экспедицияö ветлiн? Казытлан-ö медводдза ветлöмсö?

– Ме ветлi вит экспедицияö. Медводдзаыс вöли Изьва районса Том посёлок дорын. Тайö ветлöмыс, буракö, медьёна тшупис вежөрö сы вöсна, мый вöли медводдза, да и оланног серти сийö вöли медся лöсьыд. Миян лагерыс вöли сикт шöрын. Унаöн весиг олісны эз палаткаын, а керкаын. Сэки ме аддзи ассыым медводдза артефакт — вöчасян изтор (кремнёвый отщеп).

– Тшöкыда экспедиция дырйи тi оланныд вөр шöрын, йöзысь да грездыясысьылын. Лоö и сёян-юансö аслыныд дасытны, кöнкö мыссыны. Кыдзи котыртöма лагерын олöмсö?

– Ставöн öтвылысь бурмöдам-лöсьöдам оласногсö. Быд лун бөргыам дежурной-öс, кодi дасытö сёян, пелькөдчö, мыскалö тасытi-пань, нуöдö овмöснымöс.

Экспедицияӧ мӧдӧдчигӧн водзвыв ньӧ-бам сӧян-юан, колана эмбур. Дасьтам вӧлӧгасӧ биаруӧн, аскӧд босьтам плита да баллонъяс. Мыссынысӧ эм палатка-пывсян, кӧнӧ сулалӧ пач, некутшӧм мытшӧд та серти абу.

– Ном-теб ёна дӧзмӧдчӧны? Торкӧны-ӧ уджтӧ, либӧ велалан на дорӧ?

– Номйысь да гебйысь мавтчам-пызйысям быдсяма репеллентӧн, сотам спираль. Дерт, найӧ медводз повзбӧдӧны, а сӧсся быттӧ велалан и он нин видзӧд на вылӧ.

– Эмӧсь экспедицияын кутшӧмкӧ традицияяс?

– Важӧн экспедиция дырйи виль йӧзсӧ пыртӧмаӧсь археологӧ. Ме дырйи тайӧ обрядсӧ эз нин вӧчны. А ӧнӧ эм традиция — бӧргя лунӧ сотам став ковтӧмторсӧ.

– Мый медся сьӧкыдыс экспедицияын?

– Меным медся сьӧкыд медводдза лунъясас, кор сӧмын на дасьтам лагерсӧ. Та вылӧ мунӧ уна кад. Сы мында колӧ вӧчны, весиг он гӧгӧрво, мыйсянь заводитны.

– Овлӧны-ӧ экспедиция дырйи кутшӧмкӧ виччысьтӧмторьяс?



>>



— Колян во вöлі со татшöм «приключе-ние»: медводдза лунъясö на, кор сöмын дасътим лагерсö, миян жугалис став эм-бурыс: насос, бензогенератор, бензопи-ла... Унатор лои вöчны киöн. Ок, и ёна тайö сьöктöдiс миянлысь олöмсö, торйöн нин медводдза лунъясас.

— Миян Коми муын некор эз вöвны изйысь дзеванинъяс, уна-уна нэмся языческой храмъяс, ставыс, мый йгы-лысь ми видзöдам фильмъясин. Став стрöйбаыс вöли пуысь, и найö эз коль-ны миян кадöдз. Кыдзи Комиын уджа-лöны археологъяс? Мый корсьöны да мый аддзöны?

— Збыль, изйысь дзеванинъяс да храмъяс миян эз вöвны, но вöлины изъя горсъяс (пещераяс) да вежаинъяс. Археолог уджыс йитчöма абу сöмын аддзöмторъ-яскöд, но сийö иныскöд, кытысь мыйкö аддзöны: оланiн, гу либö бипур ин — тайö ставыс гөгөрвоöдö аддзöмторсö, сетö öтув серпас. Стрöйбаяс вöлины пу-ысь и важöн нин киссисны, но миян кадöдз му пытшкын олö на йылысь кутшöмкö казътöд — сотчöм пугоръяс либö кутшöмкö мöд эмбур, мый и туалö-ны археологъяс.

— Комиын кутшöм пельöс медся инте-ресной археология боксянь и эм-ö сэт-шöмыс?

— Миян республикаын уна аслыспöлöс-iныс. Унаöн чуймöны, мый Комиын позьö котырtnы археология уджъяс да нöшта на и мыйкö аддзыны. Быд архео-логлөн аслас интересной ин, ставыс сы сайын, кутшöм кадколастö сийö уджалö. Ме серти, татшöминъясысь öти — тайö Синдор ты, көнi эм морт историяын став кадколастлы лöсялана памятник — из нэмсянь көрт нэмöдз.

— Медся интересной аддзöмтор?

— Тайö тывкöрт (кресало) кодь көрт вöчасянтор (инструмент). Ми öнöдз на ог тöдöй, мый тайö татшöмыс и мый сийөн вöчисны. Кута лача, медся инте-реснойыс менам водзын на.

— Мый водзö вöчанныд кодйысьöм дырйи аддзöмторъяснас? Туяланныд либö сетанныд музейö?



– Экспедицияын аддзӧмторъяссӧ археологияс водзӧ туялӧны, сэсся сетӧны археология музейӧ, кӧнӧ найӧс фотографуйтӧны, мурталӧны да пыртӧны Россияс музей фондлӧн канмуса реестрӧ.

– Миянлы кажитчӧ, мый талун кежлӧ став юалӧм вылас эм нин вочакыв. Ми тӧдам, кодӧ, кор да кӧнӧ оліс. Талун археологияс пыртӧны кутшӧмкӧ вьлиторъяс миян странаса историяӧ?

– Европаса Асыв-Войвыв археологияын ӧнӧдз на эмӧсь тӧдтӧм инъяс, юалӧмъяс, кодъяс вьлӧ вочакывийыс абу. Шуам, талун ми ог тӧдӧй торъя кадко-ластьяслысь стӧч лыдпасъяссӧ, сӧр кӧрт нэмӧ культураяс артмӧм-сӧвмӧмсӧ... Таысь кындзи эм нейроархеология, экспериментальной археология, историко-культурной туяланног. Тайӧ став ырызъыс ӧнӧдз на эз вӧв тыр-бура сӧвмӧдӧма. А на отсӧгӧн ми вермам мӧд ног туявны история, тӧдмавны уна вьлитор миян чужанвуж йылысь.

– Эм кутшӧмкӧ кӧсйӧм? Гашкӧ, аддзыны артефакт либӧ ветлыны ылі экспедицияӧ?

– Ме эськӧ кӧсйи пырӧдчыны экспериментальной археология экспедицияӧ.



Татшӧм удж котыртӧгӧн туялысьяс лозьӧдӧны (реконструируйтӧны) важ олімсӧ, шуам, вӧчӧны важ ног сӧй гырничьяс, лэптӧны оланін сідзи, кыдзи вӧчисны уна нэм сайын, да уна-уна мукӧдтор

Алӧна Терентьева

Снимокъяссы Николай Коноховлӧн гортса архивысь

«Круг шӧрын» — ОЛӦМ КЫТШ

«Йӧлӧга» лыддысьӧс окота тӧдмӧдны Санкт-Петербургы нудӧм «Круг шӧрын» уджтасӧн, кодӧ шызьӧдӧс став комиссӧ да коми культура-традиция радейтысьсӧ



— «Связь времён: «Круг шӧрын» фолк-альбомлӧн презентация — тайӧ проект, кодӧ отсалӧ видзны коми йӧзкостса традиция, — висьталӧ уджтасса куратор Ульяна Галкина. — Уна сикас аддзысьлӧм, «квартирник», выставка да мастер-класс нудӧмӧн ми тӧдмӧдам Петыркарын олысь том йӧзӧс Коми Республикаса культура-традицияӧн. «Круг шӧрын» фолк-альбом — миян проектын медшӧр ыджыд вӧчӧмторйыс, ӧд бергӧдӧм уджыс босьтӧс уна вын да кад, йитӧс важсӧ выльыскӧд, и таысь лоис нӧшта на донджыкӧн.

— Юркарса искусствояс гимназияын, В.Т.Чисталёв нима культура колледж помалӧм бӧрын ме пыри велӧдчыны Санкт-Петербургса культура да искусство институтӧ, — юксӧ Валентина Лебедева. — И сӧмын танӧ нин ме гӧгӧрвои, кутшӧм мичаӧсь коми войтырлӧн кывйыс да сыланкывъясыс! И лои окота петкӧдлыны тайӧ аслыспӧлӧслунсӧ ставлы, мед нимкодясисны, шензисны, тшӧтш сылысны. Сэки жӧ, велӧдчигӧн, киӧ веськалис фольклор экспедицияын чукӧртӧм коми сыланкывъяса диск. Авторъясыс ставлы тӧдса коми



фольклористъяс — Анатолий Микушев, Прометей Чисталёв да Юрий Рочев, кодъяс уна во сайын ветлӧмаӧсь коми сикт-грездті да гижалӧмаӧсь пӧльпӧчъяслысь сьылӧмсӧ.

Уна во мӧвпалі, кыдзи тайӧ сьыланкывъяссӧ петкӧдлыны йӧзлы. И со тай, ёртъяс отсӧгӧн ставыс артмис! Аттьӧ мультивокалист, битбоксер, аранжировщик Антон Анкушинлы, коді отсаліс выль ног, талунъя лунлы лӧсялана нырвизыын восьтыны коми сьыланкывъяс. Торъя аттьӧ серпасасысь Анастасия Воложаниналы, коді быд сьыланкывлы дасътіс серпас, кыдзи сійӧ ачыс аддзӧ да гӧгӧрвоӧ найӧс. Ачым ме наставникалы да сьылі. Нимкодъ, мый став мӧвпыштӧмыс бура артмис!

Фолк-альбом нимыс — «Круг шӧрын» — петкӧддӧ коми мортлысь вогӧгӧрся олӧм-вылӧмсӧ да удж-гажӧдчӧмсӧ. Серпасъясыс кутӧны ас пытшкас торъя вын, и тайӧ отсалӧ кывзысь-видзӧдысьлы сывтӧдны аслас син водзӧ важ кадся олӧмсӧ.



Альбомӧ пыртӧма мортлӧн чужӧмсяныс став олӧмсӧ петкӧдлан дас сьыланкыв. Но юргӧны найӧ вельмӧдӧмӧн. Медводдзаыс — эпическӧй поэма кодъ «Дас кык ая-пия», кодӧс гижӧма 1964 воын Емдін районса Ыб сиктын. Сы бӧрын «Асья кыа» лирика сьыланкыв, гижӧма тшӧтш 1964 воын Княжпогост районса Сьӧськаын. Водзӧ «Удж водзвылын» — 1960 воын Усинск районса Сем Ӧндрейын



>>



гижом сьыланкыв, кодi петкөдлө, мый некутшом сьокыд уджысь коми аньяс оз повны, а шогсö да радлунсö петкөдлöны сьылöмөн. «Пöруб гöра» – тайö частушкаяс, кодьясöс сьывлöмаось Луздор районса Спасорубын. «Парась пе Парась» – серамбана, туялысьяс гижлöмаось сийöс 1962 воын Кöрткерöс районса Висерын.

Войвылын олысь комияс верöс сайö петöмсö шулöмаось «кулöмөн». Öд сыкөд йитчöма уна гажтöм бöрдöдчанкыв. Со и фолк-альбомö лои пыртöма öтув вöчöмлöсьöдöм кык бöрдöдчанкыв – величальной да мамлы норасьöм. «Сирчинь-бирчиньсö» 1960 воын гижлöмаось Кöрткерöс районса Пезмöгын, а 1962 воын – Шойнатъын.



Нöшта альбомö пырöма кытшөн сьылöм-йöктöм – 1959 воын Сыктывдiн районса Шыладорын гижлöм «Круг шöрын пö мича ныв сулалö». Нöшта öти сьыланкыв гажöдö-ворсöдö кывзысьясöс – «Козёлыс лук потшöссö пöрдöмасö», гижöма Луздорса Читаёвын 1963 воын. Эз кольны бокö и кагаос баййöдлан да ворсöдан сьыланкывьяс. «Рую-рую, баю-бай» да öтувтöм «Катша-катша» да «Кöч йöктö-йöктö» 1960 воын гижлöмаось Кöрткерöсын да Лыжавомын.





Проектсӧ збыльмӧдӧмаӧсь быдса во чӧж — кольӧмвося июльсянь тавося июньӧдз. Нималана коми войтыркӧд аддзысь-лӧмгыас кындзи уджтас серти котыртлӧмаӧсь мастер-класъяс, кӧнӧ быд окотитысьлы позьӧма велӧдчыны вӧчасьны уна сикас торйысь.

Презентация кольӧма зэв бура! Коми-ысь Санкт-Петербургӧ волӧмаӧсь вель уна гӧсьт да Валентиналӧн ёртгыас. Фолк-альбомсӧ нимӧдны-нуӧдны отсалӧмаӧсь В.Чисталёв нима культура колледжысь студентгыас. А Анастасия Воложаниналӧн паськӧдчылӧма альбомӧ серпасъяс серти быдса выставка.

Проект серти жӧ торйӧн дасьтӧма «Круг шӧрын» брошюра, кытчӧ пыртӧма став сыланкывсӧ комиӧн да рочӧн.

«Йӧлӧга» журнал чолӧмалӧ Валентинаӧс да сылысь котырсӧ ыджыд, колана да тӧдчана уджтас олӧмӧ пӧртӧмӧн. Аттьӧ коми кыв да культура нимӧдӧмысь! ❖



Надежда Пунегова

Снимокъясыс «ВКонтакте» «Проект «Связь времён». Фолк-альбом «Круг шӧрын» котырысь



Том фотограф, гитараён ворсысь да збыль романтик

Савелий Чалый велөдчö Сыктывкарса Пушкин нима гимназияын, вуджис 8 классö. Зон велөдö суйöрсайса кывъяс, а прöст кадсö сиö радейтана нырвизьяслы, кодъяс вöчöны сылысь олöмсö гагаджыкөн да ярьюгйдөн. Сылөн хобби – фотография, музыка да вуграсьöм

Во куим сайын Савелий заводитöма снимайтны телефон камераөн, а сэсса пуктöма аслыс мог — ньöбны бур фотоаппарат. Чöжöма сьом, збыльмөдöма көсйöмсö да заводитöма снимайтны. Карса конкурсьясын сьлөн фотоясыс вöлины медбуръяс лыдын. Öнi том морт тшöкыда ветлөддö карса уличаястi фотокамераөн, аслас объективö кыйö интереснöй здукъяс, кодъясöс мукöдыс оз и казьявны.

Мöд радейтана хобби — гитара — Савелий олöмын чужöма мөдöд классын велöдчигас на. Öнi сийö ветлөддö КЛАП-ö — авторскöй сьыланкывъяс радейтысьяслөн клубö, петкөдчö фестивальясын, сьылö да ворсö.

А нöшта Савелий радейтö кыйны чери. Ичöтсьянь на ветлөддö ю дорö баб-дедыскöд, батыскöд либö ёртъясыскöд да весиг öтнас, нимкодьясö войвывса вөрваөн.

А «Йöлöга» журнал лыддысьяскöд том морт юксис, көнi да кыдзи вöчö мича фотояссö, да кыдзи фотография отсалö адзыны ас гөгөр олöмсö мөд нога.




— Савелий, «ВКонтактеын» тэнад лист бокын зэв уна мича фото, унджыкас — гожöм. Артмö, гожöмнас фотограф медъяна зильö, либö гожöмнас снимайтанторыйыс унджык?

— Гожöмнас прöст кадыс унджык. Да и каникул дырйи кытчöкö ветлан, адзан вылингъяс да унатор вылö мөд ног заводитан видзöдны.

— Кор гөгөрвоин, мый тэныд кажитчö фотографируйтны?

— Ме заводитi адзыны сийöс, мый възынджыксö эг казьявлы. Медводз прöста фотографируйтi, сэсса видзöдалi фотояссö да гөгөрвои, мый абу лёка артмöма. Петкөдлi мамы, сийö менö ошкис, мичаось пö. А сэсса вочасөн кути йöзöдны социальнöй лист бокъясын. Сэни нин заводитисны «лайкайтны» фотояссö. Меным кажитчö тайö уджыс сийөн, мый тадзи ме верма петкөдлыны инъяслысь да йöзлысь ловрусö да мичлунсö.




>>



– **Мый медвёна кажитчө снимайтны: йёз либё вёр-ва?**

– Оні ёнджыка снимайт вёр-ва, рөд-вужёс да ёртгьясөс, кар, шоңді пуксьём, макросъёмка вёча, но тайё ставыс воис вочасөн.

Медводдза фотоясс шоңді пуксьёмыс да макросъёмкаыс кокниа артмисны. А сэс-ся заводити ветлөддыны карті да корсьны интересной кадргьяс. Дыр кад эз артмы петкөддыны портрета съёмкалысь русö. Аслым эз кажитчыны фотография-гьяс. Буракö, эз тырмы сямлунöй. Сöмын неважөн портрета кадргьяс заводитисны нимкодбöдны.



– **Эмось радейтана ингьяс, кодгьясöс эн öтчыдысь нин снимайт?**

– Да, сэтшöм ингьясыс эмось. Кор пета фотографируйтны, пырджык заводита Степан вичко дорсянь, ме сэни неылын ола. Шоңді пуксьём радейта снимайтны «Макси» вузасян шöрин сайын.

Тшöкыдджыка ставыс артмö кызккö виччысытöг. Но овлö, аддза кутшöмкö мичаин и виччыся бур поводдя, медым ветлыны сэтчö вöчны бур кадр. Овлö и торйөн лöсьöдчытöг кыйöм кадрыс артмас мичаджыка сысысь, код вылö видзин кад да корсин бур ракурс.

– **Коді медводз донгьялö тэнсьыд уджтö?**


– Медводдза критикыс — мамö. Кужö аддзыны сийö, мый менам синмö эз усь. Водзын ме чайтi, мый тадзи ставыс аддзöны, но тайö абу сiдз.

– **Кызди тэ велöдчан фотографируйтны? И эмось-ö радейтана фотографгьяс?**

– Торгья литература ме ог лыдды, видзöда мастер-классгьяс, ёнджыкасö öтувезийысь. Оні ме верма нин видлыны ачымöс торгья жанргьясын. Эмось менам и радейтана фотографгьяс, кодгьяслөн уджыс ышöдö, шуам, Sachin Rai, Yu Shi, Дина Буга да мукöд.

– **Овлывлöны кутшöмкö виччысытöм-торгьяс съёмкагьяс дырйи?**

– Да, быдсяматорйыс овлö. Öтчыдысь весиг менö сувтöдiс полиция. Найö





юасисны, мый да мыйла ме снимайтa. Висьталі, мый ме радейта фотографируйтны, петкӧдлі ассьым снимокъясӧс. Збыльвылас, ме сэки повзъыштi да и бaть-мамӧс повзъӧдi. Но ставыс помасис бура.

— Эм-ӧ кутшӧмкӧ ыджыд кӧсйӧм? Гашкӧ, мыйкӧ фотографируйтны либӧ котыр-ны выставка?

— Окота эськӧ кыйны фотоаппарат объективӧ чардби да руа мича серпасъяс. Выставка йылысь эг на мӧвпав. Чайта, быдса выставка вылӧ колӧ ӧти стильын


вӧчӧм уна фотография. Буракӧ, менам татшӧмыс абу на тырмымӧн. Но водзӧ вылӧ колӧ бура мӧвпыштны ❖

Алёна Терентьева
Снимокъясыс Савелий Чалыйӧн

Шойччы да уна нюмъяв!

Чукөрта гоҗся бинго

Гоҗьялі	Вёчи ремонт	Вуграси	Ломті пач	Уна нюмъялі
Нимкодяси өшкамөшкаөн	Дышөдчи	Пөттөдз узи	Купайтчи	Ворси спорт ворсөмьясөн
Чөсмаси	Отсаси град йөрын	Лыдди небөг	Веськавлі зэр улө	Пөльышті йөла турун (одуванчик)
Воті тшак да тусь	Уджалі	Шойччи телефонысь	Гижөдчи «Йөлөга» вылө	Юали катшасинлысь, радейтө али оз
Лэдзали майтөг быг	Колялі ёртъяскөд кад	Ветлі походө	Ветлі гөсти	Журьялі велосипедөн



Гоҗөмнас быть колө удитны

1. _____
2. _____
3. _____
4. _____
5. _____

Вöчин? Пасйы!



<input type="checkbox"/>	Войковті палаткаын	<input type="checkbox"/>	Котралі асья лысваөд	<input type="checkbox"/>	Пажынөдз узи
<input type="checkbox"/>	Ветлі походө	<input type="checkbox"/>	Гадайтчи катшасинөн	<input type="checkbox"/>	Вөтлі керкаысь зі
<input type="checkbox"/>	Пөттөдз гожьялі	<input type="checkbox"/>	Лыдди небөг	<input type="checkbox"/>	Кодкө ордын гөститі
<input type="checkbox"/>	Ветлі мөд карө, орчча сиктө	<input type="checkbox"/>	Видзөді кино либө сериал	<input type="checkbox"/>	Вочаалі ёрткөд асья кыа
<input type="checkbox"/>	Видзөді концерт, сиктса гаж	<input type="checkbox"/>	Журьялі велосипедөн	<input type="checkbox"/>	Нимкодяси шондіа луньясөн
<input type="checkbox"/>	Сөйи тусь	<input type="checkbox"/>	Велалі выльө	<input type="checkbox"/>	Быдті град выв пуктас
<input type="checkbox"/>	Вотчи вөрын	<input type="checkbox"/>	Чөсмаси шашлыкөн	<input type="checkbox"/>	Кыйи шатинөн чери
<input type="checkbox"/>	Төдмаси выль йөзкөд	<input type="checkbox"/>	Вөчи мича снимокьяс	<input type="checkbox"/>	Повзьылі чардбиысь
<input type="checkbox"/>	Верді ур	<input type="checkbox"/>	Аддзылі өшкамөшка	<input type="checkbox"/>	Уна нюмьялі
<input type="checkbox"/>	Пелькөдчи гортын	<input type="checkbox"/>	Пөльті майтөг болькьяс	<input type="checkbox"/>	Уялі ваын (юын, саридзын)
<input type="checkbox"/>	Пукті турун да чөсмаси видз ыв чайөн	<input type="checkbox"/>	Шойччи өтувзейысь да теле- визорысь	<input type="checkbox"/>	Збыльмөді ассьым ыджыд көсйөм

Донъяв, кыдзи коллялін

июнь:								
июль:								
август:								





Владимир Власов: «Ме верма! Ставыс артмас!»

Журъявны велосипедон, та бөрын котөртны, а сэсса варччыны бассейнын – тайо куим нырвизя спорт сикасыс отлаөдөма триатлонын. Тани морт оз сөмын видлы вын-эбөссө некымын ордысьөмын өттшөтш – быд петкөдчөм кежлө сылы колө торйон дасьтысьны да кужөмөн юкны вынсө, медем воны финишөдз.

Колян гожөмын Сыктывкарысь Владимир Власов триатлон-кроссын Россияса ордысьөмьясын босьтис эзысь медаль, 13-14 арөса зоньяс групыын 24 спортсмен пөвстын сийө лои медбурьяс лыдын. Том мортлөн тайо вөли медводдза вылыс тшупөда ордысьөм да медводдза ыджыд вермөм.

Сыктывкараса канму университетбердса лицейын 8 классын велөдчысь зонкалы удайтчө отувтны велөдчөм да спорт. Талун Владимир – варччөмын спортса мастерө кандидат, ветлөдлө некымын спортшколаө, тшөкыда петавлө ордысьны да быд лун тренируйтчө

Кызди сылөн тайо ставыс артмө? Ордысьөмьяс кежлө дасьтысьөм, медводдза вермөмьяс да спортын ыджыд көсьөмьяс йылысь Владимир висьталис мян журнал лыддысьысыясы.

– Владимир, чолөм! Кызди спортсменьяс коллялоны гожөмсө? Содө-ө тренировка лыдыс?

– Чолөм! Гожөмнас ме шойчча да дасьтыся вель ордысьөмьяс кежлө. Тренируйтчам сідз жө, но паськөдам географиясө, ветлывам весиг мөд регионьясө.

– Унджыкыслы велосипед – тайо гожөмын журьялан транспорт. А тэныд – спорт. Торьялө-ө триатлет велосипедыс да кызди тэ лоин спортсменөн?

– Ме ичөтсьянь радейтэ журьявны велосипедон. Вочасөн тайо хоббиыс вуджис ыджыд спортө. Триатлет вермө вөдитчыны быдсяма велосипедон, но быдөн зильо





сійос кызкө бурмөдны да кокньөдны, медым сійө вөлі лөсьыдджык да отсаліс вермыны ордйысигөн.

– Триатлон мукөддэрийи шуоны «көрт йөз» спортөн. Збыль, татчө пырө некымын спорт сикас – котөртөм, варчөм да велосипед, и став тайө ордйысьөмыс котыртөма сьөрсьөн-бөрсьөн. Нырвизьясыс ёна торьялөны и колө ставыс кежлө торйөн дасьтысьны. Кор тэ гөтөрвоин, мый көсьян лоны триатлетөн?

– Збыль, триатлонын став ордйысьөмыс ёна торьялө, сыын и аслыспөлөслуныс тайө спорт сикаслөн. Триатлонын морт видлө асьсө став тайө нырвизяс. Кор ме сөмын на төдмалі триатлон йылысь, пырысь-пыр жө шуи, мый көсья ставсө тайөс видлыны ачым. Заводиті дасьтысьны да петкөдчыны быдсяма ордйысьөмын – муниципальнойсянь ставроссиясаөдз.

– Кутшөм нырвизь тэныд медьёна кажитчө, а кутшөм медся сьөкыд?

– Меным кажитчө ставыс! Ме ичөтсьянь ветлөдда бассейнө, и варчөмын меным бура удайтчө панийны мукөдөс. Бур велосипед отсалө ордйысьөмлөн тайө юкөнась, а неважөн ме заводиті котравны республикаса стадионын. Азыма тренируйтчи кутшөмкө кад, и өні ме ог нин лөка котрав.

– Кыдзи дасьтысян ордйысьөмьясь кежлө, мый либө коді медьёна отсалө?

– Ме тренируйтча вежоннась квайтысь, луннась – кык-куим сикась тренировка, быд торья тренировка кутшөмакө дасьтө менө ордйысьөмьясь кежлө. Триатлонын отсалө ставыс: бур паськөм, эмбур да тренерьясь. Позьё шуны, меным мойвиис быдторйын. Бать менө тренируйттө да быдгө повтөм мортөн, сійө отсалө сөвмөдны ме пытшкын спорта смеллун. Нөшта мекөд уджалө некымын тренер, быдөн дасьтө менө торья спорт сикасын. Таысь шуа налы зэв ыджыд аттьө! Варччыны велөдө Александра Сергеевна Сеннер, котравны – Михаил Иванович Филиппов, а лызьөн котравны – Евгений Григорьевич Коновалов. Төвнась велосипедөн журьялөм кындзи котралам и лызьөн.

Триатлонын Коми Республикаса федерация котырлө и гожа, и төвса триатлон. Төвнас ми тшөтш котралам, ордысым лызьон да весиг велосипедон.

– Кутшөм мог пуктан триатлонын да мый тэнö ышөдö?

– Ме эськө кöсий лоны триатлонын Россияса чемпионöн, и кута вöчны ставсö, медым тайö кöсийöмсö пöртны оломö. Менö ышөдö тайö кöсийöмыс, окота аслым петкöдлыны, мый ме верма, мый ставыс артмас! Ме кöсья йитны оломöс профессиональной спорткöд.



– Кыдзи триатлон тэнö сөвмөдö, да мый вöчан, мыйкö кö оз артмы?

– Спорт бурмөдö мортлысь оломсö, вöчö вынаджыкөн, винелөн, сөвмөдö бур дисциплина. Тайö менам олом да уджаланног, кöни ме сөвма да быдма. Мыйкö кö эз артмы, колö корсьны да адзыны помкасö, вöчны кывкортöдьяс да уджавны водзö, медым ставыс вежсис бурланьö.

– Овны да юны-сөйны колö режим серти?

– Ме ог ёна видзöд сөян-юан бöрся. Дерт, ог зиль сөйны фастфуд, юа унджык ва. А овны лоö, дерт, режим серти. Вода 10 час рытын, öд 5 час асылын меным колö нин чеччыны, медым мунны бассейнö тренировка вылö. Ме вожөн нин тадзи ола да асывнас кокниа садьма.



– Июль 22 лунö Россияын пасйöны Триатлон лун. Кыдзи колляланнөд тайö гажсö?

– Миян семьяын тайö лунсö некыдз оз пасйыны, а триатлон федерацияын котырлөнны быдсыма ордысыöm да паныдасьлом.

– Прöст кадыд кöть овлö? Кыдзи коллялан сийöс?

– Да, менам эм кад ёртгьяскöд ветлыны кафеö либö ю дорын гуляйтны. Шойччан лунгьяссö колляла семьякöд.



– Мый эськö шуин налы, кодi кöсий пырöдчыны триатлонö?

– Медводз колö збыль ёна кöсийыны заводитны тренируйтчыны, а водзö сэсья лоö кокниджык, и ставыс артмас! ❖

Алёна Терентьева
Снимокъяс
Владимир Власовлөн
гортса архивысь

Турипувсянь вишняӧдз

Тайӧ ичӧтик гижӧдсӧ сийӧма му радейтысь аньӧс – Клавдия Николаевна Дулесоваӧс – бур кывйӧн казътылӧмлы. Материалсӧ дасьтӧма 90 арӧса тшупӧда паскӧд йитӧдын. Нывбаба уна вын пуктӧма, медым Коми муын бура быдмисны оз да ӧмидз, быдсикас сэтӧрыс, облепиха да сьӧд пельсь, льӧм да гӧрд пельсь, ыжман да крыжовник, груша да ирга, весиг яблоня да медадейтана вишня. Быдмӧгъяс да му дорӧ радейтӧмыс сылы восьтӧма ас туй, некодлы тӧдтӧм да ӧна гӧгӧрвотӧм



Луздор районса Спаспоруб сиктбердса Ракинской грездын 1935 вося август тӧлысьын чужӧма ныв. Ичӧтсыньыс сийӧ пӧчукыскӧд чукӧртӧма быдсяма турунсӧ: дзоридз, кор, вуж, велӧдчӧма найӧс торйӧдны да вӧдитчыны наӧн. Дедушыскӧд котралӧма сирла, пакулала, сямӧдла. Вӧрад ичӧтсыньыс ас мортӧн кылӧма да, сӧсся кор ӧртгъясыскӧд, кор и ӧтнас тусьтӧ вотны котралӧма. Медӧӧна радейтӧма турипув вотны, ведраясӧн чукӧртӧма. Окотанырысь новлӧма и пельсь сикӧтш. А льӧм дзоридзалигӧн вермӧма лунтыргъясӧн пукавны вожгъяс вылын пусӧ сывгъялӧмӧн. Зӧв ӧна радейтӧма коми вӧр-васӧ, пыр кӧсийӧма, медым сийӧ лоис дзоридзалысь садйӧн.



Ичӧт классгъяссӧ ныв помалӧма чужан грездас. А сӧсся батыс бергӧдчӧма Айму вӧсна Ыджид тыш вылысь да, семьянас вуджӧмаӧсь овны Сыктывкарӧ. Сизим класс помалӧм бӧрын Клава пырӧма уджалысь том йӧзӧс велӧдан рыгъя школаӧ, зильӧма тшӧтш и Сыктывкарса радиостанцияын радиоаппаратгъяс бӧрся видзӧдысьӧн.

Шӧр тӧдӧмлун босьтӧмыс сетӧма позянлун пырны Саратовса видз-му овмӧс институтын плодощеводство факультӧтӧ, велӧдчӧма виноградарӧ – медшӧр кӧсийӧмыс нывлӧн заводитӧма збыльмыны. Вуз помалӧм бӧрын сийӧс ыстӧмаӧсь Войвыв Осетияса Моздок районӧ тусь вӧдитӧм кузя агрономӧн. Зильӧма сэтчӧс



бахчясын да виноградникъясын, чӧжӧма колана опыт-сям. Но Коми мусӧ некор абу вунӧдлӧма.

Сӧрӧнджык семьянас локтӧма чужанинӧ. Пырӧма уджавны Сыктывдин районса Выльгортгын научно-экспериментальной биология станцияӧ. Танӧ жӧ, Выльгортса, уджалӧма Сыктывкарса видз-му овмӧс техникумын велӧдысьӧн. Велӧдчысь-ясыскӧд тшӧтш быдтӧмаӧсь коллекционной участокын кукуруза, люцерн, шабдӧ, клещевина, маӧ, стахис, топинамбур, клематис, туся кустъяс. Уна вын пуктӧма Воркутаса, Печораса, Чиимдинса видз-муяс уджӧдӧмӧ, медым и сӧнӧ быдтор быдмис. Уджалгас помалӧма Москваса Тимирязев нима видз-муын нуӧдӧм опытгяс подулын гижӧма да дорйӧма диссертациясӧ. Топыда уджалӧма Россияса наука шӧрингяскӧд. Олӧм чӧжнас Клавдия Николаевна Дулесова бергӧдӧма зэв ыджыд удж — корсьысьӧма, нуӧдӧма опытгяс да рӧдмӧдӧма Коми муын бура быдман сортгяс, кодъясӧн и ӧнӧ на вӧдитчӧны.

Мамсяньбыс вӧр-ва радейтӧмыс вуджӧма и нылыслы — Татьяна Геннадиевна Урнышеввалы, кодӧ пыр вӧлӧма сыкӧд

орчӧн, а ӧнӧ уджалӧ том йӧзкӧд Сыктывкарса университетбердса лицейын. Татьяналӧн водзмӧстчӧмӧн лои чукӧртӧма мамыслысь быдсяма гижӧдсӧ, статья-конспектсӧ, лекциясӧ, сортоиспытание материалгяссӧ, и ставыс тайӧ пырӧма 2005 воын йӧзӧдӧм «Дары земли моей» небӧгӧ. Тшупӧда пас кежлӧ лицейгяс педагогыскӧд кӧсйӧны содтыны, вильмӧдны да выльысь лӧдзыны тайӧ небӧгсӧ. Позянлуныс эм — тавося велӧдчан воӧ том йӧз велӧдысьыскӧд пырӧдчӧмаӧсь «Приезжай в Республику Коми, я покажу тебе (морошку, бруснику)» реклама проектӧ. Нелямын сизим лицейст окотапырысь босытчӧмаӧсь тусяян уджӧ. Кӧкъямысӧд классын велӧдчысь Михаил Максимов дасьтӧ Коми муын быдман тусяс кузя фотоматериал. А медся водзмӧстчысьыс — 10 классын велӧдчысь Диана Ильичова. Сийӧ лӧсьӧдӧ небӧгӧ уна рӧма серпасгяс. Во помӧдз уджсӧ кӧсйӧны эштӧдны.

Тадзи и вуджӧ кӧленаысь кӧленаӧ чужан му дорӧ радейтӧмыс. Окота зськӧ, мед кодкӧ и том йӧз пӧвстысь босытчис водзӧ нуӧдны Клавдия Николаевна Дулесоваӧн панӧм уджсӧ. Кутам лача, тадзи и лоас, да ми кывлам на водзмӧстчысьыс йывсьыс ✨

Татьяна Урнышева

Комиӧдӧ Надежда
Пунегова

Снимокъясыс Татьяна
Урнышевалӧн гортса
архивысь

Серпасгяссыс Диана
Ильичовалӧн



Выль ногөн воссис ас вөр-ва

Юркаrsa 15-өд номера школа бердын 2023 вося арын воссис муниципальной экостанция. Неважөн буретш тані коймөдысь котыртлісны «Экомозаика» фестиваль. Сэтчө пырөдчис 140 морт – юркаrsa дас школаысь 5-7 классьясын велөдчысьяс, педагогыс да эковолонтёрьяс. Фестивальыс отсаліс налы пырөдчыны вөр-ва да сэтчөс олысьяслөн олөм-вылөмө, видлыны выннысө творчествовын



Медводдза татшөмсяма экофестивальсө котыртлісны кольөмвося июньын, а мөдсө тавося апрель төлысьын дасьтылісны «Россияса орляталы».

«Экомозаикаыс» артмис аслысьямаөн, сійө сетіс позянлун челядылы да верстыөлы содтыны вөр-ва йылысь төдөмлунсө, а такөд тшөтш и ас киөн видлыны мыйкө керны-вөчны.

Пасйысьөм бөрын быд котыр дзик пыр пырөдчис «Бордья серпасьяс: вөр-ва трафаретын» творчества акцияө. Челядь

снимайтисны лэбачьяса трафарет пыр вөр-ва да йөзөдісны серпасьяссө куар-код пыр «кымөра» сервисө. Та бөрын том-улов петкөдісны асьыныс енбинысө асфальт вылын серпасасьөмын. Сэсья ас-киа экологьяс төдмасысны «Ловья пельөсын» олысьяскөд да котырьясөн ворсисны «Чери кыйөмысь» да «Лабиринтысь», ордйысисны пуысь вөчөм ыджыд «Крестики-нолики» ворсөмын да «Шашки тирын» стөча лыйсьөмын.

Став окотитысьыс вермис снимайтчыны

быдсикас экофотозонаын, тэчны пу экопазл, ворсны пызанывывса эковорсөмъясысь, видзодны мультфильм, лыддыны инфографика экостендъясысь юр да тодмасыны вөр-ваын асьтö кутан вöзйöмъясөн.

Экостанцияын зилис дас нель площадка. Шуам, «Турунвиж мастерскöйын» быдöнлы позис вöчны лэбачьяслы сёян доз, газетысь экоручка да пуысь сувенир. «Лэбач радиоэферын» челядь тодмасисны республикаын олысь лэбачьяскöд да налön дзользян-чипсаянногön. «Экологическöй крокодил» станцияын томулов восьтисны ассыныс енбисö, а «Сортируйтчан баскетболын» велöдчисны торйöдны лöп-өг, удитисны весиг ордйысны лöп-шыблас колана ногön юклöмын. «Экобуквар» станцияын ныв-зон серпалисны экологиякöд йитчöм плакатъяс. «Видзöй öзйылöмысь вөр» площадкын «Вöрын кусöдчан Коми шöринын» авиация юкөнön веськöдлысь Алексей Пивоваров висьталис вöрын öзйылöмъяс йылысь да тöдмöдис челядьöс выль оборудованиеöн. «Вöрса нöдкывъяс» станцияön веськöдлис республикаса экешöринысь педагог Галина Черкасова. Томуловлы сийö петкöдлис лэбач чучелаяс, налысь бордыас да кок-гыж, йирöм кольяс да пу ньöрьяс, тöдмöдис вöрса олысьяслön кок туйясөн да с.в.

«Экомозаика» фестивалё пырöдчылисны тшöтш юркарса 9-öд номера школаысь лесничествоын водзмöстчысыяс да котыртлисны ассыныс «Целебное лукошко» площадка. А.С.Пушкин нима гимназияысь юннатъяс нуöдисны «Экология мирö ветлöм-мунöм» ворсöм. Койгортса нацпаркын зильысыяс тöдмöдисны пармаын олысьяскöд. А нöшта быдön вермис донъявны географияысь тöдöмлунсö — тэчны ыджыд пазлön Коми Республика.

Фестивальсö сигöртисны чöскыд блинön тшай юёмön да сёлöмкылöмъясөн юксьёмön. Таысь кындзи ставныслы вичмисны фестиваль казтыланторъяс да козинъяс.

Гажыс артмис «Образованиеын йöзкостса бюджет» проект весьтö, мыйын водзмöстчисны наставникъяс: юркарса 15-öд номера школаын ичöt классъяс велöдысь, воспитайтан юкöнын директорöс вежысь



да челядьлön общественнöй котыръяскöд уджалысь Наталья Ахкобекова да 15-öд номера школаын жö химия да биология велöдысь, экостанцияысь педагог Ольга Азарова. Налön зильöмön артмис дасытны бур эколошкадаяс, вермысыяслы да став пырöдчысыяслы козинъяс да тшöтш и тшай юём ❖

Ольга Аксёнова
Комиöдис
Надежда Пунегова
Снимкъясыс
«ВКонтактеын» «МОУ
«СОШ №15» котырыс



ЛЮБОВЬ ПЛЕХОВА

–
Коми Республикаса
челядьлы
С.Я.Маршак нима
библиотекаын уджалысь

Гажӧдчам гожӧмын!

Воис гожӧм – шуда да виччысяна кад! Тайӧ петасын ми висьталам, кутшӧм ыджыд гаж вылӧ позьӧ ветлыны гожӧмын Комиын. А отсӧг вылӧ бара воисны С.Я.Маршак нима Коми Республикаса вужвойтыр челядь библиотекаысь небӧгяс



Быд во июнь тӧлысьын Луздор районын нуӧдӧны «Луза дорса гаж». Медводдза праздниксӧ котырлӧмаӧсь 1989 воын режиссёр Виктор Напалков да шылад тэчысь Пётр Шучалин. Тайӧ гаж вылас чукӧртчылӧны йӧзкостса артистьяс, йӧктысьяс, серпасасысьяс да декоративно-прикладной творчество нырвизыын мастерьяс. Быдӧн зильӧ петкӧдлыны йӧз водзын асьысь кужӧмлун-сямлунсӧ. 2012 восянь тайӧ гажыс лои республика тшупӧда.

Петыр лун водзын войнас Чилимдӧнын нуӧдӧны «Петровщина» гаж. Традиция серти йӧзыс чукӧртчӧны Печора ю дорӧ да пуӧны кодрасян рок да юква. А июль 12 лунӧ асывсяныс нин котыртӧны нималана «Чилимдӧнса горка» гаж. Туялысьяс шуӧны, мый тайӧ праздникыс-лы матӧ 500 во нин. Шондӧ петӧмсянь сёр рытӧдз йӧзыс ветлӧны кузьсыс-кузь кытшгясӧн, сьылӧны-ливкӧдлӧны важ-ся роч сьыланкывъяс. Тайӧ лунӧ анясь пасьталӧны нэмӧвӧйся да донна дӧраысь

вурӧм сарапанъяс, мужичӧйяс — мича дӧрӧмъяс. Буретш тайӧ гаж бӧрас заводитӧны пуктыны турун.

Сыктывдін районса Зеленец сиктын коймӧд во нин йӧзӧс нимкодъӧдӧны «**Трӧйча лун**» гаж. Медводз гӧсьтъяс сулалӧны вичкоын служба вылын, сӧсса тӧдмасъӧны тайӧ вежа луныскӧд йитчӧм йӧзкостса фольклор традицияяс-ӧн. Тавося гаж вылас волісны Комиысь, Москваысь, Архангельскысь сьылысь-йӧктысьяс.



Удорасаяс быд во июнь тӧлысь нӧдӧны «**Коми небӧг**» гаж. Татчӧ чукӧртчылӧны республикаса гижысьяс, небӧг дасьтысь-лӧдзысьяс да, дерт жӧ, лыддысьысьяс. Быд пӧрийӧ праздниксӧ сиӧны кутшӧмкӧ тӧдчана лӧмторлы, шуам, гижысьлӧн либӧ сиктлӧн тшупӧда паслы. Гаж вылас литераторъяс лыддыӧны асьыныс кывбуръяс да прозаа юкӧнъяс, артистъяс петкӧдлӧны концерт, вузасысьяс котырлӧны ярманга. Гӧсьтъяс чӧсмасьӧны удораса сӧян-юанӧн, торйӧн нин чериаӧн. Быд во «Коми небӧг» праздник вылын том да енбиа гижысьяс босьтӧны Альберт Ванеев нима литература премия. Нӧшта нимӧдӧны «Медбур небӧг» конкурсын вермысьясӧс.



Июнь тӧлысь помын кык вонас ӧтчдысь Кулӧмдін районса Керчомъя сиктын нӧдӧны «**Пыжа гаж**». Праздник дырйиыс Вад ты вылын котырлӧны пыжӧн ордысьӧм. Сӧсса видзӧдалӧны да донъялӧны татчӧс мастеръясӧн вӧчӧм пыжъяссӧ. Гаж вылас чукӧртчылӧны гудӧкасысьяс, сьылысь-йӧктысьяс. Гӧсьтъяс ветлӧны кытшӧн, сьылӧны частушкаяс да коми сьыланкывъяс. Праздник помас ставныс пуксьӧны пыжъясӧ да гажаа сьылӧмӧн кывтӧны-катӧны Вад ты вывтӧ.



Турун пуктӧмкӧд йитчӧма Изьватас войтырлӧн «**Луд**» праздник. Гажсӧ нӧдӧны Изьва юрсикутын. Гажӧдчӧмыс заводитчӧ сиктса уличаясӧд «Вӧрӧта» йӧктӧмӧн мунӧмсянь. Тайӧ гажыс — висътавны кужтӧм мич! Йӧзыс пасьталӧны шӧвкысь, кашемирысь да атласысь вурӧм мича сарапан-костюмъяс. Рытланьыс том йӧз

>>



ворсӧны йӧзкостса ворсӧмъясӧн. Изъва-
таслӧн найӧ тшӧкыда йитчӧмаӧсь кӧр
видзӧмкӧд. А нӧшта котыртлӧны мича
нывъяс костын конкурс. Ёна нимавны
кутис и вӧвъясӧн ордйысӧм. Войланьыс
ӧзталӧны бипуръяс да чеччалӧны на
вомӧн. Гажыс помасьӧ асъядорыс.



Июль тӧлысся медводдза шойччан луно
Печора районса Бызӧвой грездын котырт-
лӧны **«Черинянь гаж»**. Туялысся сер-
ти, тайӧ грездяньыс небылн эм мамонт
шойна, а нӧшта эм «Важ йӧзлӧн оланін»
археология памятник. Тайӧ гажсӧ йи-
тӧны чери кыйӧмкӧд да археология ад-
дзӧмторъяскӧд. «Черинянь гаж» вылын
ставныс пуӧны бипур вылын юква, ор-
дйысӧны чери кыйӧмын, ворсӧны-га-
жӧдчӧны. А медшӧр да донса козиныс —
черинянь.



Сыктыв районса Кебра сиктсаяс июль
заводитчигӧн паныдалӧны гӧсьтъясӧс
«Менам муза» гаж вылын. Праздниксӧ
сиӧма медводдза коми поэт Иван Кура-
товлы. Татчӧ чукӧртчылӧны республика-
са, а тшӧтш и Россияса да суйӧрсайса
гижыссяс. Йӧзсӧ гажӧдӧны концертъ-
ясӧн, ярмангаӧн, ворсӧмъясӧн. «Менам
муза» гаж мунӧ «Кӧч Закар керка» му-
зей дорын.



Июль шӧрын Кӧрткерӧс юрсижтын нуӧ-
дӧны **«Кӧрт Айка»** фестиваль. Гажсӧ
сиӧны кӧрт дорыссяслы, кодъяс воӧны
татчӧ став Россия пасъталаысь. Мастер-
класс дырйи найӧ петкӧдлӧны кӧртысь
вӧчасьӧмын ассыныс кужӧмлунсӧ. А
рытгоров ставӧн чукӧртчӧны ыджыд кон-
церт вылӧ.

Июль тӧлыссьӧ позьӧ ветлыны Мыдін
районса Гришестав грездӧ **«Сено»** арт-
фестиваль вылӧ. Праздник вылас воӧ-
ны серпасасысь-дизайнеръяс, архитек-
торъяс, музыкантъяс да уна мукӧд.
Тани нуӧдӧны арт-объектъяс конкурс,
петкӧдлӧны мастер-классъяс. Позьӧ вид-
лыны мыйкӧ турунысь либӧ пуысь вӧчны,
позьӧ тшӧтш и кысыны да пусыны.
Дерт жӧ, котыртлӧны турун ытшкан
ордйысӧм.

Турун ытшкысыяс костын «Звени, коса!» районса гаж котырлөны июль шөрын Көрткерөс районса Одыб сиктын. Паськыд луд вылын ассыныс выннысö видлөны и гөрбуша-литовкаон, и триммерон ытшкысыяс. А бөрас ставон гажөдчоны кыпыд концерт вылын.



Август помын Сосногорск районса Ук-вавомын паськөдчылö «Сосногорье» фестиваль. Гажыс муно Ухта ю дорын, мөдар берегас колö вуджны öшөдөм пода пос кузя. Праздник вылас, кыдзи и мукөдлаын, петкөдлөны концерт, вузасьоны, велөдөны мыйкө вöчны ас кйон. Фестивальыс нималö-торъялö медся ыджыд пöжалом шаньгаон. Дерт, шуоны, мый чöскыдысла пöжасыс бырö öти дукон.



А август 22 лунö ми кыпыда пасъям **Коми Республикалысь чужан лун**. Тайö лунас Сыктывкарын чукөртчылöны республика пасьталаысь гөсьгыяс. Быдлаын ворсö кыпыд шылад, паськөдчылö ыджыд ярманга, йөзөс гажөдöны кыпыд концертгыасон.

Дерт, гожся дзик став гаж йывсыяс эз на ло пасйöма. Но кутшöм нимкодь, мый бөръя воясö культура-традициякөд йитчөм пыр унджык и унджык гаж заводитсны дасьтыны! Уна сикт-грезд гожся кадö пасйö ассыяс чужан лун. А тэнад чужанинад кутшöм праздник дасьтылөны?

Öшмөсыяс:

Удивительная Республика Коми / Н.В.Мельникова, П.Ф.Лимеров, Н.А.Герасименко, Н.Н.Тимонина, И.Н.Котылева; редактор-составитель Н.В.Мельникова; рисунки Маргариты Беллон. — 2-е издание, перераб. и доп. — Сыктывкар: Коми республиканская типография, 2023. — 143 с.: ил., цв. ил., карт. — 978-5-7934-1161-5.

Усть-Цилемская Горка — жемчужина Русского Севера: фотоальбом / Министерство культуры, туризма и архивного дела Республики Коми, Государственное автономное учреждение Республики Коми


«Центр народного творчества и повышения квалификации», Институт русской литературы (Пушкинский Дом) Российской академии наук; авторы текстов: Т.Д.Вокуева, Т.И.Дронова, Т.С.Канева, Т.Г.Шишелова; подготовка звукозаписей: А.В.Осипов; общая редакция издания: Т.С.Канева. — Сыктывкар: Коми республиканская типография, 2019. — 134 с.: ил., цв. ил., фот., портр | 1 электрон. опт. диск (CD-ROM). — 978-5-7934-0843-1.

Ижемский праздник «Луд»: фотоальбом / Министерство культуры, туризма и архивного дела Республики Коми, Государственное автономное учреждение Республики Коми «Центр народного творчества и повышения квалификации», Управление культуры администрации МР «Ижемский»; редакция издания: В.А.Рочева, Е.С.Ярцева, Т.А.Канева [и др.]; ответственный за выпуск: В.Я.Вокуева. — Ижма: [б. и.], 2021 (Сыктывкар: Коми республиканская типография). — 99, [1] с.: ил., цв. ил., фот., портр. — 978-5-7934-0973-5

Снимкыясыс öтувезйысь

Ва вылын видзчысь!

Гожом. Торйон нин жар дырйи быд мортлы окота лэччывны вадорө, уялыштны либө мыссыштны ыркыд ванас. Но кут төд вылад, мый ва вылад овлө уна неминуча, он кө кужомон асьтө кут



– Олөма, торйон нин ёна висысь пөрысь мортлы өтнаслы вадорын вөчны нинөм, пыр колө корны кодөскө сьорысь.

– Посныд челядылы бать-мамтөгыс вадорө лэччыны оз жө позь.

– Дурны ва вылын либө чеччавны ваө вылісянь, сунавны төдтөминын оз ков – он өд төд, мый ва улас эм.

– Төла поводдя дырйи ва вылө петны оз жө позь.

– Вабергачысь бурджык ылынджык уявны, мед оз кыскы.

Да уна на татшөм «оз поэзыс» чукөрмас, и унджыкыс та йылысь төдөны, но мыйлакө оз видзчысьны. И суө неминуча – мортыс заводитө вөйны. Колана отсөгыс ас кадө вермас и не воны...

Кызди гөгөрвоны, мый мортыс вөйө?

Төд, мый вөйысь мортыд некор оз горзы «Отсалөйтө». Сылөн та вылө выныс абу нин. Кинас-кокнас оз жө дыр шенась. Сийө өтилаын, векджык сувтсөн сулалө. Мыччысьлас, сэсса бөр вошө ваас. Вомсө вывлань лэптөма. Сийө вермө сөмын не уна лолыштны, мед дырджык ва веркөсас кутчысьны. Синмыс восьса, но некутшөм сьөлөмкылөм сыын оз төдчы, быттө ставыс веськодө...

Кызди отсавны вөйысьлы?

Матын кө пыжа либө вавывса мөд транспорта морт, кор сийөс отсөг вылө, петкөдлы, кытысь аддзылн пөдысьсө.

Некод кө матын абу, кывт вөйысь дорө

да мышсянныс кватит пельпомодыс, медым сийо эз вермы водзасьны кинас. Повзьомввивсьыс сылон содо выныс, да вермас и тэнө пөдтыны.

Войысь кө вошис ва улын — сунышт да кватит кидыс, кыскы мый вынсьыд ва веркөсас. Сэсся бара жө мышсянныс кватит да бергөд чужомсо вывлань, мед нырвомас ваис оз веськав.

Кыдзи войысьос вайодны бергөдз?

Пөдысьыс кө мыйкө гөгөрвоо на, сідзкө, сёрнит, лөньод сийос, шу, мый он коль, мый петкөдан бергөдз. Петкөд уйөмөн, войысь мед водас ва вылө да кутчыяс пельпомад, кокнас отсалас тэныд кывтны.

Войысьыслөн кө шок, сийо тэнө оз кыв, кинас-кокнас шенасьо — сідзкө, вод мыш вылад, бергөд пөдысьос ас дорад мышнас да кватит тшөкаодыс либө киняувтис. Татшөм ногөн ньөжйөник воөдчөй бергөдз. Артмас кө, позьо и бок вылад видлыны кывтны.

Войысь кө нинөм нин оз кыв ни аддзы, сідзкө, бергөд сийос мыш вылас, мед чужомыс пыр ва веркөсас вөлі. Кватит тшөкаодыс да өдийджык кывт, медым сетны медводдза отсөг.

Кыдзи сетны медводдза отсөг?

Войысьос колө водтөдны гатшөн чорыд му вылө, юрсө чатөртөдны, медым сийо тушасьыс улынджык вөлі. Татшөм ногөн сынөдыс веськалө тыас, а оз гыркьяс.



Чуньтө гаргышт сөстөм дөраөн, весалышт вомсө нюйтсьыс да няйтсьыс, сэсся ёна личкав морөсас. Тайо колө, медым петкөдны ньылалөм васө.

Пөдысьыс кө оз лолав — ковмас мырдөн лолөдны (вөчны искусственной дыхание). Сийос вөчөны вом либө ныр пырыс. Оти минутнас колө 17-ыс лолыштөдны!

Сувтис кө сьолөмыс, сідзкө, мырдөн лолөдөм кыдзи колө вөчны и сьолөмас массаж. Бурджык кыкөн водзмөстчыны.

Видз асьтө! ❄️

Дасьтис Надежда Пунегова
Серпасьясыс Кристина Кривошеевалөн





Шеньзөдана көра юмов салат

ЮЛИЯ ПАНЮКОВА
—
пұсыны-пөжасыны
велөдысы, фудблогер

Журнал лыддысылы ыджыд чолөм! Воис гожөм, а сідзкө, и кыпыд сьөлөмкылөм, и радлун, и шоныд луныяс. Дырджык кад коллялан ывлаын, окота ветлыны вылиныясө, ёртасыны спорткөд, шойччыны-гуляйтны вөрын, пикникасыны матыссаыдкөд да ёртыяскөд. Таысы өд и радейтам ми гожөмсө!

А нөшта гожөмыд озыр быдсяма град выв пуктаснас, вотөс-фруктынас, кодъяс сетөны содтөд вын миян вир-яйлы.

Талун юкся тиянкөд фруктыысы салат рецептөн. Сійөс вөчны кокныыд да зэв өдйө, а көрыс — шензөдана чөскыд!





Ковмас:

Яблөг — 2

Нектарин — 2

Груша — 2

Виноград — 100-150 г

Чөдлач — 100 г

Банан — 1

Лимон — 1

Вишня-черешня либө оз – мичмөдөм вылө

Мята да вафли рулетикъяс – мичмөдөм вылө

Мак – көр серти

Посньөдлөм фундук – көр серти

Йогурт – 200 г

Суктөм юмов йөв (сгущёнка) – 100 г

Корица – көр серти

Ванилин – көр серти

1. Медводз кубикөн вундавны яблөг, банан, нектарин, груша.

2. Лимонсө вундыны шөрипөв. Отар джынсьыс соксө лэдзны вундалөм фруктыө, бура гудравны.

3. Сэтчө жө содтыны чөдлач, посньөдлөм фундук, бара гудравны.

4. Торъя дозмукө отлаөдны йогурт да сгущёнка. Юмовлуныс – ас көсйөм серти.

5. Сэтчө жө содты мак, корица, ванилин.

6. Артмөм гудрассө кисьтны фруктыа салатө.


7. Тэчны салатсө креманкаясө, мичмөдны вишняөн-черешняөн либө озйөн.

8. Медбөрын нөшта содтыны мята кор да посньөдлөм вафли.

Нянь да сов! ❖



Комиөдис Надежда Пунегова



Тіпкыны вөр-вакөд өти сьөлөмөн

Миниатура бытгыкө и чөтик жанр, но сэтчө поэь төрөдны зэв джуджыд мөвп. Мукөддырйиыс казялан ывлаын: кутшөмкө турунвиж гаг котөртө, а тэ бөрсяныыс нин вөтчан ноп тыр мөвпөн, мыйджык поэь сы йылысь гижны. Гагйыслы эськө и веськодъ сы бөрся вөтчысыс, котөртө и котөртө. Колөкө, сылөн и могоыс некутшөм абу, ылөсас триньксөдө нинөм вөчигмозыс. А тэ сы йылысь юрад мойд нин шарк-нитөмыд!

Со таdzi артмөны миниатюраяс. Ёнджыкасө вөр-ваысь да сиктса оласногысь казя-лөмторъяс. Мый тешкодъджык либө важджык, сийө и кыскө синмөс. Ми ог казялөй, а весиг өд из оло аслас оломөн, видзөдө ывласө, мөвпалө да вуджө вежсьөмгыс пыр...



АЛЁНА АЛЕКСАНДРОВНА ШОМЫСОВА чужис 1986 воын Кулөмдін районса Скөрөдум грездын. Помалис Сыктывкарса государственной университетысь филология факультет (2009). Лэдзис «Дзар» (2011), «Чөв!» (2012), «Юрсигусь бордъяс» (2014), «Көчильлы козин» (2018), «Аля-каля» (2022), «Нөльө лёльө да сылөн туй» (2023) небөгъяс. Пырө Россияса гижысь котырө (2016). Олө Сыктывкарын.

ВӨР-ВАКӨД ӨТИ СЬӨЛӨМӨН

Джуджыд турун пөвстын мыш вылын куйла. Енэжыс чайтсьө тасянь ыджыд-сьыс-ыджыд горадзульбөн, код пытшкын өні ме и менө кытшалан виддзыс. Да мый сэни виддзыс! Ставнас Му шарыс! А шондйыс бытгтьө сылөн гөрддзымыс. Му весьтын зымвидзысь турун заясыс чайтсьөны пуясөн, а бобувьясыс — лэбачьясөн. Му бердын куйлігөн кылан асьтө сэтшөм ичөтөн, бытгтьө пөрлан гагйө. И кутшөм лөсьыд лоны тайө здукас вөр-ва войтөн, а оз мортөн, тіпкыны вөр-вакөд өти сьөлөмөн.



ГАГ

Вөрса катшасин вылын узьө гаг. Вөсни кокнас шамыртөма ас бердас өти сыр. Бытгтьө полө усьөмысь. Либө жө сотан шондйыс таdzi сайбөдчөма. Уна-ө и колө ичөт гаглы?

МАЛЯМУШ

Пөлөзнича дзоридзө сунгысьөма шөвк малямуш. Ма чукөртө. Зэв окота шылыкнитны сійөс, гөна вижа-сьөда пасьыс вывті нин басөк да. Но ог лысьт, чушкөмысь пола. Өтчыдысь сатшкыліс нин чунь помам емсө. Көрт емсьыд сө пөв дояджык. Со и ылысянь видзөда малямуш вылас, видзөдласөн малышта.



ШЛОЧКАН ГАГ

Шлочкан гагйөс аддзигөн век нюмөй петө. Бара на ворсантор сюрис! Босьта кык чунь костө да кывза шлочкөмсө. Сьөлөмыс-ө таdzi тіпкө, либө льясыс ратшкөны? Сэсса пукта кутшөмкө пөв помө мыш вылас. Китө он на удит вештыны, сійө сынөдас нин качөма. Лэбигмозыс бергөдчас дай кок йылас бөр сувтас. Мыйөн и йөткыштчө-а? Ачыс ичөт, а выныс ыджыд.

ДЗОДЗУЛЫС ВОМАД ПЫРАС

Вөрса видз вылын куртам турун. Мудза да шлапкыся-вода турун юр вылө. А пөчөй шуө: «Эн ланьт көть-а, дзодзулыс вомад пырас». Пыр жө и чечышта юр

вылысь да бара кутчыся куранө. Төдө өд мыйөн повзьөднытө!

ЛЬӨМ ПУ

Ичөтнам зэв ёна радейті сөйны льөм. Тушаөй ичөт да, кйөн ог судз, көть и вылө чечыштлөмөн. Сөмын куранөн и верман крукыштны вожйөдыс да вынөн лэдзны асланыд.

Колисны вояс. Ме нюжалі, а льөм пуыс ляпкаліс, вожьясыс му бердлань өшйисны. Өні и дзоля кага вермас ачыс судзөдчыны льөм тусьясысла. Кадыс өд сэтшөм: кодөскө нюжөдө, а кодөскө ляпкөдө ❖


Дасьтіс Алёна Нестерова

Снимокьясыс Александр Герасименколөн да
Алёна Шомысовалөн

Кадрын – гожӧм: шоньид, шондӧа да яръюгыд рӧмъяса

Гожӧм – медбур кад петавлыны «фотоохота» вылӧ. Кодӧ радейтӧ фотографируйтны, буретш воас мянкӧд ӧти кывйӧ. И збыль ӧд, шондӧа югӧръяс – тайӧ медбур софит. Вӧрын, ю дорын, грездын либӧ кар шӧрын, паркын либӧ керка йӧрын, кӧн кӧть он котырт ассьыд фотосессиятӧ, сийӧ артмас зэв бура.

Ми, «Йӧлӧга» журналын уджалысьяс, тшӧтш ӧна радейтам гожся фотоястӧ. Ӑти-кӧ, найӧ мичмӧдӧны социальной лист бокъяс, а мӧд-кӧ, кӧдзыд тӧвся лунъясӧ шонтӧны ловрутӧ. Телефон паметьсӧ весалим нин, дасьтысим гожся фотосессияс кезлӧ. А нӧшта пуксим да ӧтвылысь мӧвпыштӧм, кутшӧм фотояс кутам вӧчны матысса кадӧ. Вӧзъям и тӧянлы ассьыным «топ-5»





ГӦНА-ПЕЛЯ ЁРТЪЯСКӦД

Кань, пон, а гашкӧ, грездын пӧчюд видзӧ кӧза либӧ мӧс? Ок, и интересной фото вермас артмыны татшӧм нель кока ёртъяскӧд!

ВӦР ДОРЫН ШОЙЧЧӦМ


Медым артмис мича фото, дзик абу быть мунны ылі гӧраясӧ либӧ суйӧр сайӧ. Миян сикт-грезд да карьяс гӧгӧр тыр-мӧмӧн мичаиныс. Сьӧрсьюд позьӧ босьтны эшкын, сӧян-юан тыр кӧрзина — сийӧ тшӧтш мичмӧдас пикниквывса фототӧ, сідз шусяна фуд-фотоыс ӧні модаын. Дзоридзьяс пӧвстын, киад — вотӧс либӧ тшак, а гашкӧ, прӧста пу улын, корьяс костті писькӧдчан шондӧлӧн вуджӧрыс серпасалас мича серьяс. Но и нӧшта ӧти буртор — лолалыштан сӧстӧм сынӧдӧн, гажаа коллялан кад матыссаяскӧд либӧ ёртъяскӧд.

Ю ДОРЫН

Ок, и лӧсьюд жар гожӧмнад вадорын кад коллявны. Сапӧн кывтан, либӧ ачюд ваын уялан, а сӧсся резыштан ёрттӧ... А шондӧ югӧрьяс ва веркӧсын ворсӧны-югьялӧны рӧмпӧштанын моз. Но кутӧй тӧд вылын — ю дорӧ либӧ ты вылӧ оз позь мунны верстьӧтӧг!







ТЕННИС, ФУТБОЛ, ВЕЛОСИПЕД...

Оз кӧ кажитчы туплясьны пляж вылын, да тэ радейтан спорт, окота котравны, ворсны, а нӧшта фотографируйтны, сідзкӧ, тэнад артмасны ышӧдана кадръяс. Эн вунӧд и матысянь вӧчӧм планъяс йылысь. Шуам, велосипед руль вылын ки, кыдзи чужъян мач да гажаа сералан котралігӧн...

СЕМЬЯКӧД ӦТВЫЛЫСЬ

Но и, дерт, мича гожся фотографіяс озырмӧдасны семьяпытшса архив. Батьмамкӧд, пӧль-пӧчкӧд, чой-воккӧд... Кор отпуск да каникул дырйи ыджыд семья чукӧртчӧ ыджыд пызан сайын. Весиг уна во мысти фотоас веськалӧм ичӧтдырся шуда здукъясыс кутасны ышӧдны ловтӧ да нюммӧдны казтылӧмъяснас.

А нӧшта: шондӧ пуксьӧм, ю дорын вугыр шатинӧн пукалӧм, бобув лэбалӧм... Позьӧ «кыйны» дзоридз вощьӧм, асья лысва, лэбачьяс — ставыс, мый миянӧс кытшалӧ, вермас лоны тэнад фотографіяын шӧр темаӧн.


Фотографъяс шуӧны, мый снимайтны бурджык асывнас 11 часӧдз либӧ рыгнас 17 час бӧрын. Сэки шондыс югдӧдӧ небыдджыка, а сідзкӧ, снимокыс артмас мичаджык.




А ті мый радейтанныд снимайтны гожӧмнас? ❄️

Дасьтис Алёна Терентьева

Снимокъясыс авторлӧн





Снимокъясыс Лю-Лян-Минлѳн

Йӧлӧга

«Йӧлӧга» – коми том войтырлы
дзик ӧти журнал!

«Йӧлӧга» – сьӧлӧмлы дона да радейтана!

«Йӧлӧга» – медбур ёрт!

«Йӧлӧга» – мам кыв видзысь!

«Йӧлӧга» – ӧтув ми вынаджыкӧсь!

